

SARS E ANANELA KAKANYO E LEKOTSWENG BOTJHA YA POKELLO YA LEKGETHO

Tshwane, 24 Hlakola 2021 – Ditshebeletso tsa Lekgetho tsa Afrika Borwa (SARS) di ananela kakanyo e lekoletsweng hodimo ya pokello ya lekgetho e tsebisitsweng ke Letona la Ditjhelete Tito Mboweni puong ya hae ya Tekanyetso Palamanteng kajeno.

Sewa sa COVID-19 se bile le kgahlamelo e mpehadi hodima pokello ya lekgetho ka lebaka la ho putlama ha ikonometri ka tsela e fetang ya qomatsi ya tsa ditjhelete ya 2008. Ditlamorao tsa sewa sena sa COVID-19 di dutse e le tsa kgolo tse ka bakang kotsi kgolong ya ikonometri le pokellong ya lekgetho. Sena se bakile hore ho be le tahlehelo ya mesebetsi le ho nyaolwa mosebetsing, tseko a tlase, kगतello ya diphaello ka lebaka la dithibelo tse matla mmoho le qeaqeo ho tla tseko lefatsheng ka bophara.

Letlole la Matjhaba la Ditjhelete (International Monetary Fund) le lepa hore sephetho sa Afrika sa GDP ka 2020 se tla ba le kgonyelo e tshosang ya 7.5%. Diketsahalo tsa ikonometri di lebelletswe ho ntlafala ka 2021; le ha ho le jwalo maqhubu a matjha le mefuta e metjha ya vaerase e ntse e hloabaetsa ha re ntse re shebile ho tjhaelwa monwana ha diene. Tebello ena ya kgolo e fokolang e bontsha ditlamorao tse sa ntseng di salletse tsa sewa le hore e meng ya mehato ya thibelo e tla lokela hore e dule e le teng.

Sephetho sena sa pokello se bontsha dintlhakgolo tse mpehadi tseo COVID-19 e bileng le sona ikonometri e neng e ntse e sokola. Ditebello tsa ho hola ha motheo wa lekgetho di thisitse haholo haesale ho tloha ka tekanyetso ya 2020. Pokello ya Lekgetho la Lekeno la motho ka bomong (PIT) le amilwe ke kgolo ya tlhokeho ya mosebetsi mmoho le meputso e tlase. Dipokello tsa Lekgetho la Lekeno la Kgwebo (CIT) haesale di ntse di honyela ho tloha ka 2018/19, sena hara tse ding, se kgannwa ke diphaello tse ntseng di putlama tsa dikgwebo. Dikgafa tse itseng tsa tse kenang le ho tswa ka naha di lebelletswe ho fokotseha ka diphesente tse ka bang 50 ka lebaka la dithibelo tsa kgwebisano mmoho le diphanyeho tsa lekgetho.

Haesale ho tloha ka Mphalane 2020, ho bile le ho hlaphohelwa ho matla ho feta ditebello ha lekgetho la Boleng bo Ekeditsweng ba Lehae (VAT) mmoho le dikgafa tsa Bolaodi ba Meedi ka lebaka la ho qala hape ha tshebetso ka mora hore ho nyehliswe dithibelo. Dipokello tsa kgwedi ka nngwe tsa VAT ya lehae haesale ho tloha ka Phato, di bile hodingwana ho feta tsa dikgwedi tse bapileng ka 2019, le dipokello tsa dilevi tsa Mafura le tsona di ntlafetse.

Ditheko tse matla tsa dirafshwa ho ya mafelong a 2020 mmoho le tetebebo ya ranta di thusitse ditheko tsa dirafshwa nakong eo tseko ya tsona lefatsheng e neng e ntse e nyoloha mme sena se bonahala ka pokello e nyolohileng ya dipokello tsa lekgetho (Lekgetho la Lekeno la Kgwebo la nakwana) ho tswa lekaleng la tsa merafo.

Ho sa natswe tikoloho ena e tletseng diphephetso, dipokello tsa lekgetho di ntse di tsamaya hantle haholo le ka hodimo ho ditebello tse neng di behilwe Puong ya Leano la Tekanyetso e Mahareng (MTBPS) ka Mphalane 2020. Ka lebaka la ho iphumana hape ha mejo le meputso pakeng tsa Mphalane le Tshitwe 2020, le ho hlaphohelwa ha CIT ho tswa lekaleng la tsa merafo, dipokello tsa lekgetho tsa 2020/21 di lebelletswe ho ba R99.6 billion ka hodimo ho dikakanyo tsa MTBPS tsa 2020.

Ka lebaka la seo, Letona le ekeditse dikakanyo tsa pokello ya lekgetho ka lebaka la ditebello tse ntlafetseng tsa pokello ya lekgetho ho ya ho R1 212.2 billion mme kakanyo ya 2021/22 e behilwe ho R1 365.1 billion. Palohare ya selemo sa ditjhelete sa lekgetho la 2020/21 ho GDP jwale e eme ho 24.6% mme ho lebelletswe hore e boele e hlaphohelwe ho ya fihla maemong a pele ho COVID 19 a 26.3% selemong sa ditjhelete sa 2027/28. Dipokello tse lebeleletsweng tsa lekgetho tsa R1 212.2 billion di bontsha pokello ya lekgetho bakeng sa selemo sa ditjhelete sa Tlhakubele 2021 tse ntseng di honyela ka potlako ka sekgahla sa 10.6% ho feta sa ho honyela ha ikonomi sa 4.4% sa nako e tshwanang. Dipokello tsa lekgetho di bile le kgahlamelo, hara tse ding, di anngwe ke mehato ya kimollo ya lekgetho, dikhampani tse behileng ditahlehelo ka lebaka la monyebe wa ho iphumana hape ha makgetho a lekeno la dikgwebo, ho wela tlase ha khiro le maemo a meputso tse bileng le kgahlamelo e mpehadi hodima makgetho a khiro mme qetellong le hodima mejo le ho iphumana hape ka pele ho fihella maemo a pele ho COVID-19, tsena tsohle di na le kgahlamelo hodima ho iphumana hape ha makgetho. Ho feta moo, ho theo ha matla ha pokello ya lekgetho ho bontsha kgahlamelo eo dithibelo di nang le yona dithekisong tsa tahi le disakarete le tahlehelo ya makgetho a tse kenang le ho tswa ka naha. Re sa ntse re le selemong sa diphephetso, SARS e ntlafaditse diketsahalo tsa boikobelo ba tefo ya lekgetho mme tsena di bile le kgahlamelo ya R107bn eo e leng motheo wa tlaleho ya pokello ya lekgetho ho tloha ka la 31 Tshitwe 2020.

Ho qeaeqa hona ikonoming ho tla dula ho le tjena ka 2021/2022 empa re ikemiseditse ho sebetsa ka thata, re sa lobe letho, ho fihlella kakanyo ena. Re tla tswela pele ho fana ka tlhakisetsa le netefaletso le bolepi ho balefalekgetho ho ba thusa ho ikobela boitlamo ba bona. SARS e ntse e eketsa boiqapelo bo habileng ponelopeleng ya yona ya ho nolofaetsa ba fumanang lekeno la tlwaelo dintho le ho nolofaetsa balefalekgetho bohle nakong eo ba ikopanyang le mokgatlo. Ha re ntse re eketsa tlwaelo ya tefo ya lekgetho ka boithaopi, re ntse re sebetsa ka thata hore dintho di be theko e hodimo bakeng sa balefalekgetho ba sa ikobeleng tefo ya lekgetho.

Re leetong la ho aha "SARS e bohlale ya sekwalekwale eo botshepehi ba yona bo sa belaelweng, e tlang ho hlomphelele le ho tlotlwa ke bohle". Re tsepamisitse maikutlo a rona dinthong tse itseng tseo hara tsona e leng ho atolosa maemo a *data* ya balefalekgetho ka thuso ya mekga ya boraro le mehlodi e meng ya lesedi, mmoho le ho atolosa tshebediso ya *data* ka thuso ya metjhine le bohlale ba maiketsetso. Re tobokeditse ho atolosweng ha motheo wa lekgetho, ho ntlafatsa boikobelo ba tefo ya lekgetho le ho tsepamisa maikutlo a rona ho lekgetho la barui mmoho le ho ntlafatsa mehato ya ho arabela ikonomi e seng molaong le ya bonokwane.

Re leboha Mafrikaborwa ohle, ka dikabelo tsa lona le tshehetso.

Lekgetho la hao le bohlokwa!

Ka kopo sheba dikerafo tsa lekgetho tse hlomathisitsweng.

Ho fumana lesedi le fetang lena, ikopanye le Sarsmedia@sars.gov.za